

樂府詩集

二

樂府詩集卷第二十一

太原 郭茂倩 編次

橫吹曲辭

橫吹曲其始亦謂之鼓吹馬上奏之蓋軍中之樂也北狄諸國皆馬上作樂故自漢已來北狄樂總歸鼓吹署其後分爲二部有簫笳者爲鼓吹用之朝會道路亦以給賜漢武帝時南越七郡皆給鼓吹是有鼓角者爲橫吹用之軍中馬上所奏者是也晉書樂志曰橫吹有鼓角又有胡角按周禮云以鼗鼓鼓軍事舊說云蚩尤氏帥魍魎與黃帝戰於涿鹿帝乃始命吹角爲龍鳴以禦之其後魏武北征烏丸越沙漠而軍士思歸於是減爲半鳴尤更悲矣橫吹有雙角卽胡樂也漢博望侯張騫入西域傳其法於西京唯得摩訶兜勒一曲李延年因胡曲更造新聲二十八解乘輿以爲武樂後漢以給邊將和帝時萬人將軍得用之魏晉以來二十八解不復具存而世所用者有黃鵠等十曲其辭後亡又有關山月等八曲後世之所加也後魏之世有簸邏迴歌其曲多可汗之辭皆燕魏之

際鮮卑歌歌辭膚音不可曉解蓋大角曲也又古今樂錄有梁鼓角橫吹曲多叙慕容皝及姚泓時戰陣之事其曲有金輪等歌三十六曲樂府謂吹簫曲又有隔谷等歌三十曲總六十六曲未詳時用何篇也自隋已後始以橫吹用之南齊鼓吹列爲四部總謂之鼓吹並以俱大角及皇太子王公等一曰柷鼓部其樂器有柷鼓金鉦大鼓小鼓長鳴角次鳴角大角七種柷鼓金鉦一曲夜警用之大鼓十五曲小鼓九曲大角七曲其辭並本之鮮卑二曰鐃鼓部其樂器有歌鼓簫笳四種凡十二曲三曰大橫吹部其樂器有角節鼓笛簫篳篥桃皮篳篥七種凡二十九曲四曰小橫吹部其樂器有角笛簫篳篥桃皮篳篥六種凡十二曲夜警亦用之唐制太常鼓吹令掌鼓吹施用調習之節以備鹵簿之儀而分五部一曰鼓吹部其樂器如隋柷鼓部而無大角柷鼓一曲十疊大鼓十五曲嚴用三曲警用十二曲金鉦無曲以爲鼓節小鼓九曲上馬用一曲嚴警用八曲長鳴一曲三聲上馬嚴警用之中鳴一

曲三聲用與長鳴同二曰羽葆部其樂器如隋饒鼓部而加鐸于凡十八曲三曰饒

吹部其樂器與隋饒鼓部同凡七曲四曰大橫吹部其樂器與隋同凡二十四曲黃

鍾角八曲中呂宮二曲中呂徵一曲中呂商三曲中呂羽四曲中呂角四曲無射二

曲五曰小橫吹部其樂器與隋同其曲不見疑同用大橫吹曲也凡大駕行幸則夜

警晨嚴大駕夜警十二曲中警七曲晨嚴三通皇太子夜警九曲公卿已下夜警七

曲晨嚴並三通夜警眾一曲轉次而振也

漢橫吹曲
樂府解題曰漢橫吹曲二十八解李延年造魏晉已來唯傳十曲一曰黃鵠二曰隴

頭三曰出關四曰入關五曰出塞六曰入塞七曰折楊柳八曰黃單子九曰赤之揚

十曰望行人後又有關山月洛陽道長安道梅花落紫驕馬驄馬雨雪劉生八曲合

十八曲
隴頭
陳後主一本無

一曰隴頭水通典曰天水郡有大阪名曰隴坻亦曰隴山即漢隴關也三秦記曰其

坂九回上者七日乃越上有清水四注下所謂隴頭水也

隴頭征戍客寒多不識春驚風起嘶馬苦霧雜飛塵投錢積石水斂轡交河津四面夕冰合萬里望佳人

同前
張籍
隴頭已斷人不行胡騎夜入京州城漢家處處格鬪死

一朝盡沒隴西地驅我邊人胡中去散放牛羊食禾黍去年中國養子孫今著瓊裘學胡語誰能更使李輕車

收取京州屬漢家
同前
王維
長安少年遊俠客夜上戍樓看太白隴頭明月迎臨關

隴上行人夜吹笛關西老將不勝愁駐馬聽之雙淚流身經大小百餘戰麾下偏裨萬戶侯蘇武纔為典屬國

節旄空盡海西頭
同前
翁綬
隴水潺湲漫隴樹黃征人隴上盡思鄉馬嘶斜月朔風急

雁過寒雲邊思長殘月出林明劒戟平沙隔水見牛羊橫行俱足

一作封侯者誰斬樓蘭獻未央
同前
梁元帝
街悲別隴頭關路漫悠悠故鄉迷遠近征人分去畱沙

飛曉成暮海氣旦如樓欲識秦川處隴水向東流

同前
劉孝威

從軍戍隴頭隴水帶沙流時觀胡騎飲常爲漢國羞
妻成兩劍殺子祀雙鉤頭取樓蘭頭就解郅支裘勿令
如李廣一作李牧功遂不封侯

同前

車敦

隴頭征人別隴水流聲咽只爲識君恩甘心從苦節雪
凍弓弦斷風鼓旗竿折獨有孤雄劍龍泉字不滅

同前

陳後主

塞外飛蓬征隴頭流水鳴漠處揚沙暗波中燥葉輕地
風水易厚寒深潤轉清登山一回顧幽咽動邊情
高龍多悲風寒聲起夜叢禽飛暗識路鳥轉逐征蓬落
葉時驚沫移沙屢擁空回頭不見望流水玉門東

同前

徐陵

別塗聳千仞離川懸百丈攢荆夏不通積雪冬難上枝
交隴底暗石礙坡前響回首咸陽中唯言夢時往

同前

顧野王

隴底望秦川迢遞隔風烟蕭條落野樹幽咽響流泉瀚
海波難息交河水未堅寧知葢山水逐節赴危絃

同前

謝變

隴阪望咸陽征人慘思腸咽流宣斷岸遊沫聚飛梁
分斂冰彩虹飲照旗光試聽饒歌曲唯吟君馬黃

同前

張正見

隴頭鳴四注征人逐貳師羌笛含流咽胡笳雜水悲湍

高飛轉駛澗淺蕩還遲前旌去不見上路杳無期
隴頭流水急流急行難度一作遠入鬼窟營傍侵酒泉
路心交賜寶刀小婦成純袴欲知別家久戎衣今已故

同前

江總

隴頭萬里外天崖四面絕人將蓬萊轉水與啼俱驚
湍自湧沸古樹多摧折傳聞博望侯苦辛提漢節
霧暗山中日風驚隴上秋徒傷悲咽響不見東西流無
期從此別更度幾年幽遙聞玉關道望入杳悠悠

同前

楊師道

隴頭秋月明隴水帶關城笳添離別曲風送斷腸聲映
雪峯猶暗乘冰馬屢驚霧中寒雁至沙上轉蓬輕天山
傳羽檄漢地急徵兵陣開都護道劍聚伏波營於茲覺
無度方笑濯胡纓

同前

盧照隣

隴坂高無極征人一望鄉關河別去水沙塞斷歸腸馬
繫千年樹旌懸九月霜從來共鳴咽皆是爲勤王

同前

王建

隴水何年隴頭別不枉山中亦鳴咽一作鳴咽征人塞耳
馬不行未到隴頭聞水聲謂是西流入蒲海還聞北海
一作繞繞龍城隴東隴西多屈曲野廩飲水長簇簇胡兵
夜回水傍住憶著來時磨劍處向前無井復無泉放馬
回看隴頭樹

同前

于漬

俗問龍頭水終年恨何事深疑鳴咽聲中有征人淚昨日上山下達曙不能寐何處接長波東流入清渭

同前

僧皎然

龍頭心欲絕龍水不堪聞碎影搖槍壘寒聲咽帳軍素從鹽海積綠帶柳城分日落天邊望遠迤入塞雲

秦隴逼氏羌征人去未央如何幽咽水併欲斷君腸西注悲窮漠東分憶故鄉旅魂聲攪亂無夢到遼陽

同前

鮑溶

隴頭水千古不堪聞生歸蘇屬國死別李將軍細響風凋草清哀雁落雲

同前

羅隱

俗問龍頭水年年恨何事全疑鳴咽聲中有征人淚自古無長策況我非深智何計謝潺湲一宵空不寐

出關

魏徵

中原還逐鹿投筆事戎軒縱橫計不就慷慨志猶存策杖謁天子驅馬出關門請纓羈南越憑軾下東藩辭紆

防高岫出沒望平原古木吟寒鳥空山啼夜猿旣傷千里目還驚九折魂豈不憚艱險深懷國士恩季布無二諾侯嬴重一言人生感意氣功名誰復論

入關

吳均

羽檄起邊庭烽火亂如螢是時張博望夜赴交河城馬

頭要落日劍尾掣流星君恩未得報何論身命一作傾

同前

賈馳

河上微風來關頭樹初溼今朝關城吏又見孤客入上國誰與期西來徒自急

同前

張祐

都城連百二雄險北一作此回環地勢遙尊岳河流側讓關秦皇曾虎視漢祖亦龍顏何事梟兇輩干戈自不閒

出塞

晉書樂志曰出塞入塞曲李延年造曹嘉

之晉書曰劉曉嘗避亂塢壁買胡百數欲害之曉無懼色援笳而吹之爲出塞入塞

之聲以動其游客之思於是羣胡皆墜泣而去按西京雜記曰戚夫人善歌出塞入

塞望歸之曲則高帝時已有之疑不起於延年也唐又有塞上塞下曲蓋出於此

同前

劉孝標

候騎出甘泉奔命入居延旗作浮雲影陣如明月弦

同前

王褒

飛蓬似征客千里自長驅塞禽唯有雁關樹但生榆背山看故壘繫馬識餘蒲還因麾下騎來送月支圖

同前 楊素

漠南胡未空漢將復臨戎飛狐出塞北碣石指遼東冠
軍臨瀚海長平翼大風雲橫虎落陣氣抱龍城虹橫行
萬里外胡運百年窮兵寢星芒落戰解月輪空嚴鑊息
夜斗驛角罷鳴弓北風嘶朔馬胡霜切塞鴻休明大道
暨幽荒日用同方就長安邸來謁建章宮

同前 薛道衡

高秋白露團上將出長安塵沙塞下暗風月隴頭寒轉
蓬隨馬足飛霜落劍端凝雲迷代郡流水凍桑乾烽微
枯樺遠橋峻輓轡難從軍多惡少召募盡材官伏堤時
臥鼓疑兵乍解鞍柳城擒冒頓長坂納呼韓受降今更
築燕然已重刊還嗤傳介子辛苦刺樓蘭

邊庭烽火驚插羽夜徵兵少吳騰金氣文昌動將星長
驅鞬汗北直指夫人城絕漠三秋暮窮陰萬里生寒夜
哀笳曲霜天斷雁聲連旗下鹿塞疊鼓向龍庭妖雲墜
虜陣暈月遠胡營左賢皆頓顙單于已繫纓絨馬登玄
闕鈎鯤臨北溟當知霍驃騎高第起西京

同前 虞世基

窮秋塞草腓塞外胡塵飛徵兵廣武至候騎陰山歸朝
堂千里策將軍百戰威轅門臨玉帳大旆指金微摧朽
無効敵應變有先機銜枚壓曉陣卷甲解朝圍瀚海波
瀾靜王庭氛霧曉鼓聲嚴朔氣原野暄寒暉勲庸震邊

服歌吹入京畿待拜長平坂鳴騶入禮闈

上將三略遠元戎九命尊緬懷古人節思酬明主恩山

西多勇氣塞北有遊魂楊桴度隴坂勒騎一作馬上平原

誓將絕沙漠悠然去玉門輕齋不遑舍驚策驚戎軒懷

懷邊風急蕭蕭征馬煩雪暗天山道冰塞交河源霧烽

黯無色霜旗凍不翻耿介倚長劍日落風塵昏

同前 賈威

匈奴屢不平漢將欲縱橫看雲方結陣却月始連營潛
軍渡馬邑揚旆掩龍城會勒燕然石方傳車騎名

同前 陳子昂

忽聞天上將關塞重橫行始返樓蘭國還向朔方城黃
金裝戰馬白羽集神兵星月開天陣山川列地營晚風
吹盡肉春色耀飛旌寧知班定遠獨是一書生

同前 張易之

俠客重恩光驄馬飾金裝警聞傳羽檄馳突救邊荒轉
戰磨并地橫行戴斗鄉將軍占太白小婦怨流黃驂裘
青絲騎娉婷紅粉妝一春驚度曲八月雁成行誰堪坐
秋思羅袖拂空牀

同前 沈佺期

十年通大漠萬里出長平寒日生戈劍陰雲搖旆旌飢
烏啼舊壘疲馬戀空城辛苦臯蘭北胡霜損漢兵

同前 王維

居延城外獵天驕白草連天野火燒暮雲空磧時驅馬

秋日平原好射鵰護羌校尉朝乘障破虜將軍夜渡遼

玉靶角弓珠勒馬漢家將賜霍嫖姚

同前

王昌齡

秦時明月漢時關萬里長征人未還但使龍城飛將在

不教胡馬度陰山

白花垣上望京師黃河水流無盡時窮秋曠野行人絕

馬首東來知是誰

同前

馬戴

金帶連環束戰袍馬頭衝雪度臨洮卷旗夜却單于帳

亂斫胡兵缺寶刀

樂府詩集卷第二十二

太原

郭茂倩

編次

橫吹曲辭

漢橫吹曲

前出塞九首

杜甫

威威去故里悠悠赴交河公家有程期亡命嬰禍羅君

已富土境開邊一何多棄絕父母恩吞聲行負戈

出門日已遠不受徒旅欺骨肉恩豈斷男兒死無時走

馬脫轡頭手中挑青絲捷下萬仞崗俯身試拳旗

磨刀鳴咽水水赤刀傷手欲輕腸斷聲心緒亂已久丈

夫誓許國憤惋復何有功名圖麒麟戰骨當速朽

送徒既有長遠戍亦有身生死向前去不勞吏怒噴路

逢相識人附書與六親哀哉兩決絕不復同苦辛

迢迢萬餘里領我赴三軍軍中異苦樂主將寧盡聞隔

河見胡騎倏忽數百羣我始爲奴僕幾時樹功勳

挽弓當挽彊用箭當用長射人先射馬擒寇先擒王殺

人亦有限列國自有疆苟能制侵陵豈在多殺傷

驅馬天雨雪軍行入高山逕危抱寒石指落曾冰間已

去漢月遠何時築城還浮雲暮南征可望不可攀

單于寇我壘百里風塵昏雄劍四五動彼軍爲我奔虜

其名王歸繫頸授轅門潛身備行列一勝何足論

從軍十年餘能無分寸功衆人貴苟得欲語羞雷同中

原有鬪爭况在狄與戎丈夫四方志安可辭固窮

後出塞五首

男兒生世間及壯當封侯戰伐有功業焉能守舊丘召募赴薊門軍動不可留千金買馬鞭一作鞍百金裝刀頭閭里送我行親戚擁道周班白居上列酒酣進席羞少年別有贈含笑看吳鉤

朝進東門營暮上河陽橋落日照大旗馬鳴風蕭蕭平沙列萬幕部伍各見招中天懸明月令嚴夜寂寥悲船數聲動壯士慘不驕偕問大將誰恐是霍嫖姚

古人重守邊今人重高勲豈知英雄主出師亘長雲六合已一家四夷且孤軍遂使貌虎士奮身勇所聞拔劍擊大荒日牧一作收胡馬羣誓開玄冥北特以奉吾君

獻凱日繼踵兩蕃靜無虞漁陽豪俠地擊鼓吹笙竿雲帆轉遼海稷稻來東吳越羅與楚練照耀輿臺軀主將位益崇氣驕陵上都邊人不敢議議者死路衢

我本良家子出師亦多門將驕益愁思身貴不足論躍馬二十年恐辜明主恩坐見幽州騎長驅河洛昏中夜聞道歸故里但空村惡名幸脫免窮老無兒孫

出塞

皇甫冉

吹角出塞門前瞻卽胡地三軍盡回首皆灑望鄉淚轉念關山長行看風景異由來征戍客各負輕生義

同前

王之奐

黃砂直上白雲間一片孤城萬仞山羌笛何須怨楊柳春光不度玉門關

同前

耿緯

漢家邊事重實憲出臨戎絕漠秋山在陽關舊路通列營依茂草吹角向高風更就燕然石看銘破虜功

同前

張籍

秋塞雪初下將軍遠出師分營長記火放馬不收旗月冷邊帳溼沙昏夜探遲征人皆白首誰見滅胡時

同前

劉駕

胡風不開花四氣多作雪北人尚凍死况我本南越古來犬羊地巡狩無遺轍九土耕不盡武皇猶征伐中天有高閣圖畫何時歇坐恐塞上山低於砂中骨

出塞曲

劉濟

將軍任重圍音信絕不通羽書如流星飛入甘泉宮倚是并州兒少年心膽雄一朝隨召募百戰爭王公去年桑乾北今年桑乾東死是征人死功是將軍功汗馬牧秋月疲兵臥霜風仍聞左賢王更欲圖雲中

同前

于鵠

微雪將軍出吹笳天未明觀兵登古戍斬將對雙旌分陣瞻山勢潛軍制馬鳴如今新史上已有滅胡名單于驕愛獵放火到軍城待月調新弩防秋置遠營空山朱戟影寒磧鐵衣聲蓬蕃降胡說陰山有伏兵

同前

僧貫休

掃盡狂胡跡回戈望故關相逢唯死關豈易得生還縱
宴參胡樂收兵過雪山不封十萬戶此事亦應閒
玉帳將軍意慙慙把酒論功高寧枉我陣沒與招魂寒
色千戈束軍客喜氣屯男兒今始是敢出玉關門
回首隴山頭連天草木秋聖君應入夢半路遣封侯水
不擔陰雪柴令倒戍樓歸來麟閣上春色滿皇州

入塞

王褒

戍久風塵色熱多意氣豪建章樓閣迴長安陵樹高度
冰傷馬骨經寒墜節旄行當見天子無假用錢刀

同前

何妥

桃林千里險候騎紛紛問此將何事嫖姚封冠軍回
旌引流電歸蓋轉行雲待任蒼龍傑方當論次勲

同前

劉希夷

將軍陷虜圍邊務息戎機霜雪交河盡旌旗入塞飛曉
光隨馬度春色伴人歸課績朝明主臨軒拜武威

入塞曲

耿緯

將軍帶十圍重錦製戎衣猿臂銷弓力虬鬚長劍威首
登平樂宴新破大宛歸樓上姝姬笑門前問客稀暮烽
玄菟急秋草紫驪肥未奉君王詔高槐畫掩扉

同前

僧貫休

單于烽火動都護去天涯別賜黃金甲親臨白玉墀塞

垣須靜謐師旅審安危定遠條文寵如今勝古時
方見將軍貴分明對冕旒聖恩如遠被狂虜不難收臣
節唯期死功勲敢望侯終辭修里第從此出皇州
百里精兵動參差復渡遼如何好白日亦照此天驕遠
樹深疑賊驚驚還似鷓鴣歌何日唱磧路笑天遙

同前

沈彬

欲爲皇王服遠戎萬人金甲鼓聲中陣雲暗塞三邊黑
兵血愁天一片紅半夜飜營旗攬月深秋防戍劒磨風
謫書未及明君葬臥骨將軍已殁功
苦戰沙間臥箭痕戍樓間上望星文生帝國澤分偏將
死奪河源答聖君驚覩敗兵眠白草馬驚邊鬼哭陰雲
功多地遠無人紀漢閣笙歌日又曛

折楊柳

梁元帝

唐書樂志曰梁樂府有胡吹歌云上馬不
捉鞭反拗楊柳枝下馬吹橫笛愁殺行客
兒此歌辭元出北國卽鼓角橫吹曲折楊
柳是也宋書五行志曰晉太康末京洛爲
折楊柳之歌其曲有兵革苦辛之辭按古
樂府又有小折楊柳相和大曲有折楊柳
行清商四曲有月節折楊柳歌十三曲與
此不同

山高巫峽長垂楊復垂楊同心且同折故人懷故鄉山

似蓮花艷流如明月光寒夜猿聲徹遊子淚霑裳

同前

柳 惲

楊柳亂成絲攀折上春時葉密鳥飛礙風輕花落遲城
高短簫發林空盡角悲曲中別無意併是爲相思

同前

劉 迥

高樓十載別楊柳濯綠枝摘葉驚開映攀條恨久離年
年阻音息月月減容儀春來誰不望相思君自知

同前

陳後主

楊柳動春情倡園妾屢驚入樓含粉色依風雜管聲武
昌識新種官渡有殘生還將出塞曲仍共胡笳鳴
長條黃復綠垂絲密且繁花落幽人逕步隱將軍屯谷

暗宵鉦響風高夜笛喧聊持暫攀折空足憶中園

同前

岑敬之

將軍始見知細柳繞營垂懸絲拂城轉飛絮上宮吹寒
門交度葉谷口暗還橫一作枝曲城攀折處唯言怨別離

同前

徐 陵

嫋嫋河堤樹依依魏主營江陵有舊曲洛下作新聲妾
對長楊苑君登高柳城春還應笑見蕩子太無情

同前

張正見

楊柳半垂空裊裊上春中枝疎董澤箭葉碎楚臣弓色
映長河水花飛高樹風莫言限宮掖不閉長楊宮

同前

王 瑳

塞外無春色上林柳已黃枝影侵宮暗葉彩亂星光陌
頭藏戲鳥樓上掩新妝攀折思爲贈心期別路長

同前

江 總

萬里音塵絕千條楊柳結不悟倡園花遙同天嶺雪春
心自浩蕩春樹聊攀折笑此依依情無奈年年別

同前

盧照隣

倡樓啓曙屏園柳正依依鳥鳴知歲隔條變識春歸露
葉凝啼臉風花亂舞衣攀折聊將寄軍中書信稀

同前

沈佺期

玉牕朝日映羅帳春風吹拭淚攀楊柳長條宛地垂白
花飛歷亂黃鳥思參差妾自肝腸斷傷人那得知

同前

喬知之

可憐濯濯春楊柳攀折將來就纖手妾容與此同盛衰
何必君恩獨能久

同前

劉 憲

沙塞三河道金闕二月春碧烟楊柳色紅粉綺羅人露
葉憐啼臉風花思舞巾攀持君不見爲聽曲中新

同前

崔 湜

二月風光半三邊戍不還年華妾自惜楊柳爲君攀落
絮綠衫袖垂條拂髻鬟那堪音信斷流涕望陽關

同前

韋承慶

萬里邊城地三春楊柳節葉似鏡中翬花如關外雪征

人遠鄉思倡婦高樓別不忍擲年華含情寄攀折

同前

歐陽瑾

垂柳拂妝臺葳蕤葉半開年華枝上見邊思曲中來嫩色宜新雨輕花伴落梅朝朝倦攀折征戍幾時回

同前

張祐

紅粉青樓曙垂楊仲月春懷君重攀折非妾妬腰身舞帶縈絲斷嬌娥向葉頻橫吹凡幾曲獨自最愁人

同前

張九齡

織纖折楊柳持此寄情人一枝何足貴憐是故園春遲景那能久流芳不及新更愁征戍客鬢老邊城塵

同前

余延壽

天道連國門東西種楊柳葳蕤君不見裊娜垂來久綠枝棲暝禽雄去雌獨吟餘花怨春盡微月起秋陰坐望牕中蝶起攀枝上葉好風吹長條婀娜何如妾妾見柳園新高樓四五春莫吹胡塞一作塞曲愁殺隴頭人

同前

李白

垂楊拂綠水搖豔一作離東風年花明玉關雪葉暖金窓烟美人結長恨相對心悽然攀條折春色遠寄龍庭前一作龍

同前

孟郊

楊柳多短枝短枝多別離贈遠累攀折柔條安得垂青春有定節離別無定時但恐人別促不怨來遲遲莫言

短枝條中有長相思朱顏與綠楊併在別離期樓上春風過風前楊柳歌枝疎綠別苦曲怨爲年多花驚燕地雪葉映楚池波誰堪別離此征戍在交河

同前

李端

東城攀柳葉柳葉低著草少壯莫輕年輕年有人老柳發通川崗登高堪斷腸兩烟輕漠漠何樹近君鄉贈君折楊柳顏色豈能久上客莫沾巾佳人正回首新柳送君行古柳傷君情突兀臨荒渡婆娑出舊營隋家兩岸盡陶宅五株平日暮偏愁望春山有鳥聲

同前

翁綬

紫陌金堤映綺羅遊人處處動離歌陰移古戍迷荒草花帶殘陽落遠波臺上少年吹白雪樓中思婦斂青蛾殷勤攀折贈行客此去關山雨雪多

樂府詩集卷第二十三

太原 郭茂倩 編次

橫吹曲辭

漢橫吹曲

望行人

王建

自從江樹秋日日上一作望江樓夢見離珠浦書來在桂州一作不願同魚比目一作比目魚終恨水分流久不開明鏡多應是白頭

同前

張籍

秋風愈下起旅雁向南飛日日出門望家家行客歸無因見邊使空待寄寒衣獨閉青樓暮烟深鳥雀稀

關山月

梁元帝

樂府解題曰關山月傷離別也古木蘭詩曰萬里赴戎機關山度若飛朔氣傳金柝寒光照鐵衣按相和曲有度關山亦類此也

朝望清波道夜上白登臺月中含桂樹流影自徘徊寒沙逐風起春花犯雪開夜長無與晤衣單誰爲裁

同前

陳後主

秋月上中天迴照關城前暈缺隨灰滅光滿應珠圓帶樹還添桂銜峰乍似弦復教征戍客長怨久連翩戍邊歲月久恒悲望舒耀城遙接量高澗風連影搖寒

光帶岫徒冷色含山峭看時使人憶爲似嬌娥照

同前

陸瓊

邊城與明月俱在關山頭焚烽望別壘擊斗宿危樓團婕妤扇織織秦女鈎鄉園誰笑此愁人屢益愁

同前

張正見

巖間度月華流彩映山斜量逐連城璧輪隨出塞車唐箕遙合影秦桂遠分花欲驗盈虛理方知道路賒

同前二首

徐陵

關山三五月客子憶秦川思婦高樓上當應應未眠星旗映疎勒雲陣上祁連戰氣今如此從軍復幾年月出柳城東微雲掩復通蒼茫白暈蕭瑟帶長風羌兵燒上郡胡騎獵雲中將軍擁節起戰士夜鳴弓

同前

賀力牧

重關斂暮烟明月下秋前照石疑分鏡臨弓似引弦霧一作雲暗迷旗影霜濃濕劍連此處離鄉客遙心萬里懸

同前

阮卓

關山陵漢開霜月正徘徊映林如璧碎侵塞似輪摧楚師隨晦盡胡兵逐暖來寒笳將夜鶴相亂晚聲哀

同前

王褒

關山夜月明秋色照孤城影虧同漢陣輪滿逐胡兵天寒光轉白風多暈欲生寄言亭上吏遊客解鷄鳴

同前

江總

兔月半輪明孤關一路平無期從此別復欲幾年行映光書漢奏分影照胡兵流落今如此長戍受降城

同前

盧照鄰

塞垣通碣石虜障抵祁連相思在萬里明月正孤懸影移金岫北光斷玉門前寄書謝中婦時看鴻雁天

同前

沈佺期

漢月生遼海墮曉出牛渚合昏玄兔一作郡中夜白登關暈落關山迴光含霜霰微將軍聽曉角戰馬欲南歸

同前

李白

明月出天山蒼茫雲海間長風幾萬里吹度玉門關漢下白登道胡窺青海灣由來征戰地不見有人還戍客望邊色一作思歸多苦顏高樓當此夜歎息未應開

同前

長孫左輔

淒淒還切切戍客多離別何處最傷心關山見秋月關月竟如何由來遠近過始經玄兔一作塞終繞白狼河忽憶秦樓婦流光應笑有已得並蛾眉還知攬纖手去歲照同行比翼復連形今宵照獨立顧影自憐餘輝漸西落夜夜看如昨借問映旌旗何如鑒帷幕拂曉朔風悲蓬驚雁不飛幾時征戍罷還向月中歸

同前

耿緯

月明邊徼靜戍客望鄉時塞古柳衰盡關寒榆發遲蒼

蒼萬里道戚戚十年悲今夜青樓上還應照一作所思

同前二首

戴叔倫

月出照關山秋風人未還清光無遠近鄉淚中書間一雁過連營繁霜覆古城胡笳在何處半夜起邊聲

同前

崔融

月生西海上氣逐邊風壯萬里度關山蒼茫非一狀漢兵開郡國胡馬窺亭障夜夜聞悲笳征人起南望

同前

李端

露溼月蒼蒼關頭榆葉黃回輪照海遠分彩上樓長水凍頻移幕兵疲數望鄉抵應城影外萬里共如霜

同前

王建

關山月營開道白前軍發凍輪當磧光悠悠照見三堆兩堆骨邊風割面天欲明金沙一作嶺西看看沒

同前

張籍

秋月朗朗關山上山中人馬蹄響關山秋來雨雪多行人見月唱邊歌海邊漠漠天氣白胡兒夜度黃龍磧軍中探騎暮出城伏兵暗處低旌戟溪水連地霜草平野馳尋水磧中鳴隴頭風急雁不下沙場苦戰多流星可憐萬國關山道年年戰骨多秋草

同前

翁綬

徘徊漢月滿邊州照盡天涯到隴頭影轉銀河塞海靜光分玉塞古今愁笳吹遠戍孤烽滅雁下平沙萬里秋

況是故園搖落夜那堪少婦獨登樓

同前

鮑氏君微

高中秋月明北照遼陽城塞迴光初滿風多量夏生征人望鄉思戰馬聞鞞驚一作聲朔風悲邊草胡沙昏一作暗

虜營霜疑匣中劍風憊原上旌早晚謁金闕不聞刁斗聲一作鳴

洛陽道

簡文帝

洛陽佳麗所大道滿春光遊童時一作初挾彈蠶妾始提筐金鞍照龍馬羅袂拂春桑玉車爭曉入潘果溢高箱

同前

梁元帝

洛陽開大道城北達城西青槐隨拂綠柳逐風低玉珂鳴戰馬金爪鬪場雞桑萎日行暮多逢秦氏妻

同前

沈約

洛陽大道中佳麗實無比燕裙傷日開趙帶隨風靡領上蒲桃繡腰中合歡綺佳人殊未來薄暮空徒倚

同前

庾肩吾

微道臨河曲曾城傍洛川金門纔出柳洞井半含泉日起早思外車回雙闕前潘生時未返遙心徒杳然

同前

車敫

洛陽道八達洛陽城九重重關如隱起雙闕似芙蓉王孫重行樂公子好遊從別有傾人處佳麗夜相逢

同前四首

陳後主

諠譁照邑里遨遊出洛京霜枝嫋柳發水壑薄苔生停鞭回去影駐軸敝前甃臺上經相識城下屢逢迎踟躕還俗問只重未知名一作遊遊一作遊遊

日光朝杲杲照耀東京道霧帶城樓開帝侵曙色早佳麗嬌南陌香氣含風好自憐釵上纓不歎河邊草

建都開洛汭中地乃城陽縱橫肆八達左右闢康莊銅溝飛柳絮金谷落花光忘情伊水側稅駕河橋傍

百尺瞰金埒九衢通玉堂柳花塵裏暗槐色露中光遊俠幽并客當壚京兆妝向夕風烟晚金羈滿洛陽

同前二首

徐陵

綠柳三春暗紅塵百戲一作戰多東門向金馬南陌接銅駝華軒翼葆吹飛蓋響鳴珂潘郎車欲滿無奈擲花河

洛陽馳道上春日起塵埃濯龍望如霧一作水河橋度似雷聞珂知馬蹀傷憶見覺開相看不得語密意眼中來

同前

岑敬之

喧喧洛水濱鬱鬱小平津路傍桃李節陌上採桑春聚車看衛玠連手望安仁復有能畱客莫愁嬌態新

同前

張正見

曾城啓旦扉上洛滿春暉柳影綠溝合槐花夾路一作岸飛蘇合彈珠罷黃間負翳歸紅塵暮不息相看連騎稀

同前

陳暄

洛陽九達一作街上羅綺四時春路傍避驄馬車中看玉

入鎮西歌豔曲臨渭逢麗神欲知雙壁價潘夏正連茵

同前

王璠

洛陽夜漏盡九重平旦開日照蒼龍闕烟遶鳳臺浮雲翻似益流水到成雷曹王鬪雞返潘仁載果來

同前二首

江總

德陽穿洛水伊闕邇河橋仙舟李膺棹小馬王戎鑣杏堂歌吹合槐路風塵繞絲珠銜一作含淚舞孫秀彊相邀小平路四達長秋聽五鐘玉節迎司隸錦車歸濯龍弦歌聲不息環佩響相從花障蕩舟笑日映下山逢

同前

于武陵

浮世若浮雲千回故復新旋添青草塚更有白頭人歲暮客將老雪晴山欲春行行車與馬不盡洛陽塵

同前

鄭渥

客亭門外路東西多少喧騰事不齊楊柳惹鞭公子醉紵麻掩淚魯人迷通宵塵土飛山月是處經營夾御堤頃刻知音幾存歿半回依約認輪蹄

同前

陳後主

青槐夾馳道綠水映銅溝遠望陵霄闕遙看井幹樓黃金彈俠少朱輪徹盛侯桃花離渡馬紛披聚陌頭

洛陽陌

李白

白玉誰家郎回車渡天津看花東上陌一作陌上驚動洛陽人

長安道

梁簡文帝

神皋開隴右陸海實西秦金埳一作推輪抵長樂復一作道向宜春落花依度慙塋柳拂行人金張及詩史夜夜尚留賓

同前

元帝

西接長楸道南望小平津飛甍臨綺翼輕軒影畫輪離鞍承赭汗槐路起紅塵燕姬雜趙女淹留重上春

同前

庾肩吾

桂宮延復一作復道黃山開廣路遠聽平陵鍾遙識新豐樹合殿生光彩離宮起烟霧日落歌吹回塵飛車馬度

同前

陳後主

建章通未央長樂屬明光大道移甲第甲第玉爲堂遊蕩新豐裏戲馬渭橋傍當壚晚留客夜夜苦紅妝

同前

顧野王

鳳樓臨廣路仙掌入烟霞章臺京兆馬逸陌富平車東門疎廣饒北闕董賢家渭橋縱觀罷安能訪狹斜

同前

阮卓

長安馳道上鍾鳴宮寺開殘雲銷鳳閣宿霧斂章臺騎轉金吾度車鳴丞相來謁謁東都晚羣公駟御回

同前

蕭賁

前登灞陵岸一作還瞻渭水流城形類北斗橋勢似牽牛飛軒駕良駟寶劍雜輕裘經過狹斜裏日暮與淹留

同前

徐陵

輦道乘雙闕，豪雄被五都。橫橋象天漢，法駕應坤圖。韓康賣良藥，董偃鬻明珠。喧喧擁車騎，非但執金吾。

同前

陳暄

長安開繡陌，三條向綺門。張敞車單馬，韓嫣乘副軒。寵深來偕殿，功多競買園。將軍夜夜返，絃歌著曙暄。

同前

江總

翠蓋承輕輿，一作承露金羈。照落暉，五侯新拜罷。七貴早朝歸，羣蟲紫陌上。謁謁紅塵飛，日暮延平客。風花拂舞衣。

同前

何妥

長安狹斜路，縱橫四達分。車輪鳴鳳轄，箭服耀魚文。五陵多任俠，輕騎自連羣。少年皆重氣，誰識故將軍。

同前

崔顥

長安甲第高入雲，誰家居住霍將軍。日晚朝回擁寶從，路傍拜揖何紛紛。莫言炙手可熱須臾火，盡灰亦滅。莫言貧賤即可欺，人生富貴自有時。一朝天子賜顏色，世上悠悠應始知。

同前

孟郊

胡風激秦樹，賤子風中泣。家家朱門開，得見不可入。長安十二衢，投樹鳥亦急。高閣何人家，笙簧正喧吸。

同前

顧况

長安道人無衣馬，無草何不歸來山中老。

同前

韋應物

此地無駐馬，夜中猶走輪。所以路旁草，少於衣上塵。

同前

韋應物

漢家宮殿含雲烟，兩宮十里相連延。晨霞出沒弄丹闕，春雨依微自甘泉。春雨依微春尚早，長安貴遊愛芳草。寶馬橫來下建章，香車却轉避馳道。貴遊誰最貴，衛霍世難比。何能蒙主恩，幸遇邊塵起。歸來甲第拱皇居，朱門戟戟臨九衢。中有流蘇合歡之寶帳，一百二十鳳凰羅列合明珠。下有錦鋪翠被之繁欄，博山吐香五雲散。麗人綺閣情飄颻，頭上駕釵雙翠翹。低鬟曳袖回春雪，聚黛一聲愁碧霄。山珍海錯棄藩籬，烹飪炮羔如折葵。既請列侯封部曲，還將金印授盧兒。歡榮若此何所苦，但苦白日西南馳。

同前

白居易

花枝缺處青樓開，豔歌一曲酒一杯。笑人勸我急行樂，自古朱顏不再來。君不見外州客長安，道一回來一回老。

同前

白居易

汲汲復營營，東西連兩京。關繻古若枉，山岳累應成。各自有身事，不相知姓名。交馳喧眾類，分散入重城。此路去無盡，萬方人始生。空餘片言苦，來往覓劉楨。

同前

僧貫休

同前

同前

同前

同前

同前

同前

同前

同前

同前

樂府詩集卷第二十四

太原 郭茂倩 編次

橫吹曲辭

漢橫吹曲

梅花落

鮑照

憶憶合合八表一轍黃塵霧合車馬火熱名湯風雨利
轍霜雪千車萬馱半宿關月上有堯禹下有夔高紫氣
銀輪今常覆金關仙掌捧日兮濁河澄澈忍將草木兮
有言與華封人兮不別

同前

王褒

槐衢回北第馳道度西宮樹陰連袖色塵影雜衣風採
桑逢五馬停車對兩童喧喧許史座鍾鳴賓未窮

同前

沈佺期

秦地平如掌層城出雲漢樓閣九衢春車馬千門旦綠
柁開復合紅塵聚還散日晚關雞回經過狹斜看

同前

吳均

終冬十二月寒風西北吹獨有梅花落飄蕩不依枝流
連逐霜彩散湧下水漸何當與春日共映芙蓉池

同前

陳後主

金一作落砌落芳梅飄飄一作零上鳳臺拂妝疑粉散逐酒

似萍開映日花光動迎風香氣來佳人早掃髻試立且
徘徊

楊柳春樓邊車馬飛風烟連娉烏孫伎屬客單于墮雁
聲不見書蠶絲欲斷絃欲持塞上愁試落一作立將軍前

同前

徐陵

樂府詩集卷第二十三

東吳毛晉訂正

對戶一株梅新花落故栽燕拾還蓮井風吹上鏡臺倡